

Viva la libirtà

- Viva la libirtà! nisciti fora!
tutti li sbirri ardèmucci la lana! –
All'armi, all'armi la campana sona,
tutta a la Gancia lu populu chiama.

E quannu all'armi la campana chiama,
s'arribbedda lu populu 'n Sicilia;
pri tutti banni nni curri la fama,
e li squatri nni vennu a mìa a mìa.

- Fora, picciotti, cu la vostra lama,
la cutiddina chi fa tirribbìlia:
pr'aviri libirtà la genti abbrama.
Viva la libirtà di la Sicilia!-